

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 02-02-639-37/11
Tuzla, 22.12.2011.g.

Na osnovu člana 86. Poslovnika Skupštine Tuzlanskog kantona – prečišćeni tekst ("Službene novine Tuzlanskog kantona", br. 10/04,13/06, 1/08 i 14/11), Služba Skupštine Tuzlanskog kantona, d a j e

Z A P I S N I K

SA PETNAESTE SJEDNICE SKUPŠTINE TUZLANSKOG KANTONA ODRŽANE 22.12.2011. GODINE SA POČETKOM U 9,30 SATI

Sjednicu je otvorio i njome predsjedavao predsjednik Skupštine Tuzlanskog kantona Bajazit Jašarević.

Predsjednik Skupštine je konstatovao da sjednici prisustvuje 27 poslanika, što predstavlja kvorum za rad i odlučivanje na sjednici Skupštine.

Predsjednik je konstatovao da su na današnju sjednicu pozvani: predstavnici općina, vladinih i nevladinih organizacija i udruženja, kulturnih i javnih institucija, univerziteta, pravosuđa, tužilaštva, predstavnici međunarodnih organizacija, kao i premijer Kantona, članovi Vlade i drugi gosti i predstavnici medija javnog informisanja.

Predsjednik Skupštine je dao na izjašnjavanje zapisnik sa četrnaeste sjednice Skupštine Tuzlanskog kantona.

Skupština Kantona je jednoglasno usvojila Zapisnik sa četrnaeste sjednice Skupštine Tuzlanskog kantona bez primjedbi.

Prešlo se na poslanička pitanja i inicijative.

Predsjednik Skupštine je konstatovao da je uz materijale dostavljen odgovor na jedno pitanje poslanika Merseda Šerifovića, a pred početak sjednice su dostavljeni odgovori na sljedeća poslanička pitanja i inicijative:

- sa trinaeste sjednice na jedno pitanje poslanika Muhameda Šadića,
- sa četrnaeste sjednice na po jedno pitanje poslanika Ive Divkovića i Džemala Jukana, na po jednu inicijativu poslanika Saliha Šabovića i Dževada Hadžića, te dvije obavijesti u vezi sa inicijativom poslanika Zorana Jovanovića i pitanjem poslanika Mahira Nurkanovića.

Izjašnjenje o poslaničkim pitanjima i inicijativama iznijeli su poslanici: *Salih Šabović, Mahir Nurkanović, Slađan Ilić, Besim Imamović, Semir Turbić, Muhamed Šadić, Ivo Divković, Zoran Jovanović, Mirsad Selimović i Zahid Bašić.*

Nova poslanička pitanja i inicijative podnijeli su poslanici: *Rasim Dostović, Samir Kamenjaković, Semir Turbić, Mirsad Selimović, Elvis Baraković, Murisa Ustavdić, Besim Imamović, Salih Šabović, Mersed Šerifović, Asmir Hasić i Alija Azabagić.*

Shodno odredbama Poslovnika Skupštine, na izjašnjenje Skupštini Tuzlanskog kantona dostavljena je inicijativa Kluba poslanika Stranke za BiH o donošenju Deklaracije kojom će Skupština Tuzlanskog kantona izraziti svoj stav u vezi neformiranja vlasti na državnom nivou.

U pozivu za današnju sjednicu, dostavljen je prijedlog dnevnog reda.

U međuvremenu je shodno članu 59. Poslovnika Skupštine, Klub poslanika Stranke za BiH podnio zahtjev za izmjenu dnevnog reda – odnosno predložio da se tačka 3. prijedlog Zakona o izmjenama i dopunama Zakona o osnovnom odgoju i obrazovanju skine s dnevnog reda.

Otvorena je rasprava o dnevnom redu:

Poslanik *Mahir Nurkanović* je u ime Kluba poslanika SBB podržao prijedlog da se tačka 3. skine s dnevnog reda.

Poslanik *Besim Imamović* je zatražio da se Skupština izjasni o Deklaraciji kao o prethodnom pitanju, bez uvrštavanja u dnevni red.

Predsjednik Skupštine je dao na izjašnjavanje zahtjev Kluba poslanika Stranke za BiH, da se tačka 3. prijedlog Zakona o izmjenama i dopunama Zakona o osnovnom odgoju i obrazovanju, skine s dnevnog reda.

O navedenom prijedlogu glasalo je 9 poslanika „za“, 9 poslanika je bilo „protiv“ i 10 poslanika se „uzdržalo“ od glasanja, čime prijedlog nije dobio potrebnu većinu.

Predsjednik Skupštine je dao na izjašnjavanje prijedlog da se Deklaracija kojom će Skupština Tuzlanskog kantona izraziti svoj stav u vezi neformiranja vlasti na državnom nivou, uvrsti kao posljednja tačka dnevnog reda.

Poslanik *Besim Imamović* je iznio poslovničku intervenciju i zatražio da se Skupština izjasni o Deklaraciji, a ne da se izjašnjava o prijedlogu da se ista uvrsti u dnevni red.

Nakon iznesenog, predsjednik je dao na glasanje prijedlog da se Deklaracija uvrsti kao posljednja tačka dnevnog reda, o čemu je glasalo 10 poslanika „za“, 1 poslanik je bio „protiv“ i 16 poslanika se „uzdržalo“ od glasanja, čime prijedlog nije dobio potrebnu većinu.

Vlada Kantona je predložila da se izmjene i dopune Budžeta Tuzlanskog kantona za 2011. godinu razmatraju po hitnom postupku, a Zakona o izmjenama i dopunama Zakona o policijskim službenicima Tuzlanskog kantona po skraćenom postupku, te je zatražio da se Skupština izjasni o navedenim prethodnim pitanjima.

Prijedlog da se prijedlog Izmjena i dopuna Budžeta Tuzlanskog kantona za 2011. godinu razmatra, odnosno donosi po hitnom postupku, prihvaćen je sa 22 glasa „za“, 1 glasom „protiv“ i 7 „uzdržanih“ glasova.

Prijedlog da se prijedlog Zakona o izmjenama i dopunama Zakona o policijskim službenicima Tuzlanskog kantona razmatra, odnosno donosi po skraćenom postupku, prihvaćen je jednoglasno.

Predsjednik Skupštine je dao na izjašnjavanje sljedeći

D n e v n i r e d :

1. Razmatranje prijedloga i donošenje Izmjena i dopuna Budžeta Tuzlanskog kantona za 2011. godinu
2. Razmatranje prijedloga i donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom
3. Razmatranje prijedloga i donošenje Zakona o izmjenama i dopunama Zakona o osnovnom odgoju i obrazovanju
4. Razmatranje prijedloga i donošenje Zakona o srednjem obrazovanju i odgoju
5. Razmatranje prijedloga i donošenje Zakona o izmjenama i dopunama Zakona o policijskim službenicima Tuzlanskog kantona
6. Razmatranje prijedloga i donošenje Odluke o privremenom finansiranju Tuzlanskog kantona za period 1.1.2012. do 31.3. 2012. godine

7. Razmatranje prijedloga i donošenje Odluke o davanju saglasnosti na Odluku o privremenom finansiranju iz obaveznog zdravstvenog osiguranja u Tuzlanskom kantonu za period 1.1.2012. do 31.3. 2012. godine

8. Razmatranje prijedloga i donošenje Odluke o davanju saglasnosti na Odluku o privremenom finansiranju JU Službe za zapošljavanje Tuzlanskog kantona za period 1.1.2012. do 31.3. 2012. godine

9. Razmatranje prijedloga i usvajanje Programa rada Skupštine Tuzlanskog kantona za 2012. godinu i upoznavanje sa Programom rada Vlade Tuzlanskog kantona za 2012. godinu

Skupština Kantona je sa 23 glasa "za", bez ijednog glasa "protiv" i 8 "uzdržanih" glasova usvojila predloženi dnevni red.

T o k s j e d n i c e:

1. U okviru prve tačke dnevnog reda razmatran je prijedlog Izmjena i dopuna Budžeta Tuzlanskog kantona za 2011. godinu.

Predsjednik Skupštine je konstatovao da su dostavljeni izvještaji Zakonodavno-pravne komisije (čije se primjedbe smatraju amandmanima), Komisije za privredu, ekonomsku i finansijsku politiku i Administrativne komisije.

Takođe su poslanicima dostavljeni amandmani poslanika Bajazit Jašarević i Salih Šabović.

Uvodno izlaganje je podnio ministar finansija *Mlađan Lazić* koji je u okviru uvodnog izlaganja iznio da je Vlada Tuzlanskog kantona zaprimila amandmane na prijedlog Izmjena i dopuna Budžeta Tuzlanskog kantona za 2011. godinu, te u ime Vlade Kantona podnio sljedeće izjašnjenje i to:

Poslanik *Bajazit Jašarević* koji je podnio tri amandmana.

Amandmanom I je predloženo da se da se iznos primitaka od dugoročnog zaduživanja – Podrška iz sredstava MMF-ovog Stand by aranžmana poveća za iznos od 16.593.800,00, KM tako da umjesto iznosa 24.058.000,00 KM treba da stoji 40.651.800,00 KM kao i da se planira iznos 9.618.000,00 KM na primicima od domaćeg zaduživanja, tako da će se primici od inostranog zaduživanja iz sredstva MMF-ovog Stand by aranžmana i primici od domaćeg zaduživanja koristiti za pokriće viška rashoda nad prihodima u 2011. godini, kao i za pokriće viška rashoda nad prihodima iz ranijih godina u iznosu od 26.211.800,00 KM. Navedeni amandman je prihvaćen tako što će se u članu 1. stav 1. i stav 2. i član 2. stav 1. Tabela „A. PRIHODI, PRIMICI I FINANSIRANJE“ Budžeta Tuzlanskog kantona za 2011. godinu, mijenjati na sljedeći način: U koloni Izmjene i dopune ukupnog Plana Budžeta za 2011. godinu mijenjaju se i glase: „Prihodi - 332.205.647,44 KM; Primici 56.142.068,75 KM; Kapitalni primici 5.872.268,75 KM; Primici od inostranog zaduživanja - Podrška iz sredstava MMF-ovog Stand by aranžmana 40.651.800,00 KM; Primici od domaćeg zaduživanja 9.618.000,00 KM; Ukupna sredstva 388.347.716,19 KM; Rashodi i izdaci 357.335.230,77 KM; Račun finansiranja koji se odnosi na vanjske otplate 4.800.685,42 KM; Ukupni rashodi, izdaci u finansiranje 362.135.916,19 KM; Višak rashoda nad prihodima iz ranijih godina 26.211.800,00 KM; Ukupna sredstva 388.347.716,19 KM.

Dio primitaka od inostranog zaduživanja iz sredstava MMF-ovog Stand by aranžmana u iznosu od 14.440.000,00 i primici od domaćeg zaduživanja u iznosu od 9.618.000,00 KM, što ukupno iznosi 24.058.000,00 KM, koristit će se za pokriće viška rashoda nad prihodima u 2011. godini. Preostala sredstva MMF-ovog Stand by aranžmana u iznosu od 26.211.800,00 KM koristit će se za pokriće viška rashoda nad prihodima iz ranijih godina.“

Amandman II. i III. poslanika Bajazita Jašarevića se ne prihvataju.

Poslanik Salih Šabović je podnio dva amandmana.

Amandmanom I. je predloženo planiranje sredstava za pozajmljivanje privredi javnim i privatnim preduzećima u iznosu od 5.000.000,00, i to iz povrata sredstava koja su već pozajmljena javnim i privatnim preduzećima, i isti se ne prihvata

Amandmanom II se predlaže povećanje sredstava za sport (profesionalni sport) u iznosu od 642.148,90, i isti se ne prihvata.

Amandman Zakonodavno-pravne komisije kojim je predloženo da se u članu 3. tekst: „II Izmjenama i dopunama“, briše kao suvišan, je prihvaćen.

Poslanik *Bajazit Jašarević* je povukao amandmane II. i III. i nije tražio o istim izjašnjenje.

Otvorena je rasprava u kojoj su učestvovali poslanici: *Salih Šabović, Alija Azabagić, Mirsad Selimović, Muhamed Šadić, Fahrudin Skopljak, Senahid Šaković, Zahid Bašić, Besim Imamović, Senad Alić, Ivo Divković i Dževad Hadžić.*

U drugom krugu diskusije učešće je uzeo poslanik *Salih Šabović* koji je ostao pri podnesenim amandmanima i o istim zatražio izjašnjenje Skupštine.

Potom se Skupštini obratio premijer Kantona *Sead Čaušević.*

Predsjednik Skupštine je dao riječ i predstavniku Koordinacije boračkih organizacija *Faruku Šahoviću.*

Nakon rasprave, predsjednik Skupštine je dao na izjašnjavanje amandman I poslanika *Saliha Šabovića.*

Za amandman je glasalo 9 poslanika „za“, 1 poslanik je bio „protiv“ i 19 poslanika se „uzdržalo“, čime amandman nije prihvaćen.

Prešlo se na izjašnjavanje o amandmanu II. poslanika *Saliha Šabovića.*

Za amandman je glasalo 9 poslanika „za“, bez ijednog glasa „protiv“ i 19 poslanika se „uzdržalo“, čime amandman nije prihvaćen.

Prešlo se na izjašnjavanje o prijedlogu Izmjena i dopuna Budžeta Tuzlanskog kantona za 2011. godinu.

Skupština Kantona je sa 25 glasova "za", 3 glasa "protiv" i 6 "uzdržanih" glasova prihvatila prijedlog i donijela Izmjene i dopune Budžeta Tuzlanskog kantona za 2011. godinu.

Potom se prešlo na izjašnjavanje o zaključku Kluba poslanika SDA koji glasi:

Skupština Tuzlanskog kantona traži da se u Budžetu Tuzlanskog kantona za 2012. godinu obezbijede sredstva u punom kapacitetu (plate, materijalni troškovi i ostalo), za rad sudova u općinama Banovići i Lukavac, radi stvaranja uslova za dalje postupanje Visokog sudskog i tužilačkog vijeća BiH i implementacije Zakon o izmjenama i dopunama Zakona o sudovima u BiH.

Skupština Kantona je jednoglasno usvojila navedeni zaključak.

2. U okviru druge tačke dnevnog reda razmatran je prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

Predsjednik Skupštine je konstatovao da su dostavljeni izvještaji Zakonodavno-pravne komisije (čije se primjedbe smatraju amandmanima), Komisije za rad, zdravstvo i socijalnu politiku i Komisije za jednakopravnost spolova.

U raspravi su učestvovali poslanici: *Senad Alić, Mirsad Selimović, Semir Turbić i Muhamed Šadić.*

Ministar za rad, socijalnu politiku i povratak *Sead Hasić* je iznio da se amandman poslanika *Mirsada Selimovića*, kojim je predloženo da član 33. prijedloga Zakona, odnosno član 99. stav 1. osnovnog teksta Zakona glasi: „s tim što naknada plaće ne može biti veća od prosječne plaće Federacije“, nije prihvaćen, dok amandmane Zakonodavno-pravne komisije prihvata.

Poslanik *Mirsad Selimović* je u toku diskusije iznio da je dobio izjašnjenje o svom amandmanu, te je isti i povukao.

Predsjednik Skupštine je zaključio raspravu i dao na izjašnjavanje prijedlog Zakona.

Skupština Kantona je sa 26 glasova "za", bez ijednog glasa "protiv" i 3 "uzdržana" glasa usvojila prijedlog i donijela Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom uz amandmane Zakonodavno-pravne komisije.

3. U okviru treće tačke dnevnog reda razmatran je prijedlog Zakona o izmjenama i dopunama Zakona o osnovnom odgoju i obrazovanju.

Predsjednik Skupštine je konstatovao da su dostavljeni izvještaji Zakonodavno-pravne komisije (čije se primjedbe smatraju amandmanima) i Komisije za obrazovanje, kulturu, sport i mlade.

Amandmane na prijedlog zakona su podnijeli poslanici Mahir Nurkanović i Mirsad Selimović, Komisija za obrazovanje, kulturu sport i mlade i Vlada TK, dok su prijedloge, sugestije i zapažanja dostavili sindikati srednjeg, visokog i osnovnog obrazovanja (u formi amandmana) i Centar civilnih inicijativa.

Takođe je dostavljeno i izjašnjenje o podnesenim amandmanima.

Ministrica obrazovanja, nauke, kulture i sporta *Nada Avdibašić-Vukadinović* je u okviru svog izlaganja iznijela da u ime Vlade Kantona prihvata amandmane Zakonodavno-pravne komisije Skupštine TK. U vezi dva amandmana Komisije za obrazovanje, kulturu, sport i mlade Skupštine TK, istakla je da se Amandman I. prihvata samo uz drugačiju formulaciju tako što se iza člana 7. dodaje novi član 7a koji glasi: "U članu 22. stav 1. alineja 2. iza riječi, „lidere“ dodaju se riječi, „vjerska i rasna obilježja“. Amandman II. Komisije za obrazovanje, kulturu, sport i mlade se ne prihvata iz razloga što bi za uvođenje sistematskog pregleda svake dvije godine bilo potrebno obezbijediti dodatna sredstva.

Potom je u ime Vlade Kantona podnijela šest amandmana na prijedlog Zakona, i to:

Amandman I, kojim je predloženo da se u članu 26. prijedloga Zakona iza stava 8. doda novi stav 9. koji glasi: "Škola kao javna ustanova je dužna vršiti prijem zaposlenika u skladu sa propisom iz stava 8. ovog člana."

Amandman II, kojim je predloženo da se u članu 43. stav 1. prijedloga Zakona mijenja i glasi: "Škola koja ima status javne ustanove dužna je na osnovu odluke školskog odbora objaviti konkurs za direktora škole najkasnije tri mjeseca prije isteka mandata direktora".

Amandman III, kojim je predloženo da se u članu 43. stavu 15. prijedloga zakona iza riječi, „zaposlen“ dodaju riječi, „na neodređeno vrijeme“.

Amandman IV, kojim je predloženo da se iza člana 43. doda novi član 43a, koji glasi: "U članu 92. stav 1. iza alineje 3. dodaje se nova alineja 4. koja glasi, „obustavlja od izvršenja akt školskog odbora koji je u suprotnosti sa ustavom ili zakonom kao i pojedinačni akt kojim se nanosi šteta školi ili društvenoj zajednici“. Alineje 4. i 5. postaju alineje 5. i 6.

Amandman V, kojim se predlaže iza člana 43. dodaje se novi član 43b koji glasi: "U članu 94a stavu 1. iza riječi „Pedagoški zavod“ dodaje se „zarež“ i riječi „ nadležna inspekcija“.

Amandman VI. Kojim se predlaže da se u članu 47. stav 1. tačke 14. i 15. mijenjaju i glase:

“14. „ako postupi suprotno odredbama člana 72.“,

15. „ako postupi suprotno odredbama člana 90.“

Iza tačke 17. dodaje se nova tačka 18., koja glasi: „ako ne obustavi od izvršenja akt školskog odbora koji je u suprotnosti sa ustavom ili zakonom kao i pojedinačni akt kojim se nanosi šteta školi ili društvenoj zajednici u skladu sa članom 92“. (Napomena: član označen u amandmanima kao 7a postaje član 8. prijedloga Zakona o izmjenama i dopunama Zakona o osnovnom odgoju i obrazovanju, članovi od 8. do 43. prijedloga Zakona postaju članovi 9. do 44., član označen u amandmanima kao 43a postaje član 45. Zakona, član označen u amandmanima kao 43b postaje član 46. Zakona, te članovi od 44. do 56. prijedloga Zakona postaju članovi 47. do 59. Zakona o izmjenama i dopunama Zakona o osnovnom odgoju i obrazovanju.

Potom se prešlo na izjašnjavanje o tri amandmanima poslanika Mirsada Selimovića, i to:

Amandman I. koji se ne prihvata zato što predlagač ostaje kod teksta sadržanog u članu 39. prijedloga Zakona o izmjenama i dopunama Zakona o osnovnom odgoju i obrazovanju.

- Amandman II. se prihvata uz drugačiju samo formulaciju s obzirom da je i identičan amandmanu uloženi od strane Komisije za obrazovanje, kulturu, sport i mlade Skupštine TK koji je predlagač već prihvatio.
- Amandman III. se ne prihvata.

Poslanik *Mahir Nurkanović* je podnio deset amandmana i isti nisu prihvaćeni, nakon čega je poslanik zatražio izjašnjenje Skupštine o istim.

Otvorena je rasprava u kojoj su učestvovali poslanici: *Muhamed Šadić, Dževad Hadžić, Zahid Bašić, Mirsad Selimović, Fahrudin Skopljak, Besim Imamović, Ivo Divković, Semir Turbić, Salih Šabović i Ferhat Mustafić.*

Poslanik *Fahrudin Skopljak* je povukao Amandman II. Komisije za obrazovanje, nauke, kulture i sporta. Poslanik *Mirsad Selimović* je predložio da se Amandman IV. Vlade Kantona briše.

Ministrica obrazovanja, nauke, kulture i sporta Nađa Avdibašić – Vukadinović je u ponovnoj diskusiji podnijela još tri amandmana Vlade Kantona, i to:

Amandman kojim predlaže da se u prijedlogu Zakona u članu 5. stav 2. briše.

Amandman kojim se predlaže da se u članu 51. stav 1. alineja 1. briše.

Amandman kojim se predlaže da se u članu 7. u stavu 5. poslije riječi „Kantona“ briše tačka i doda tekst „ispisana na oba pisma u jezicima konstitutivnih naroda“.

U drugom krugu diskusije učešće je uzeo poslanik *Mahir Nurkanović*.

Potom se Skupštini obratili predstavnici Sindikata osnovnog obrazovanja *Mizret Pozderović* i predsjednik Sindikata osnovnog obrazovanja BiH *Selvedin Šatorović*.

Poslanik *Mirsad Selimović* je odustao od amandmana koji nisu prihvaćeni od strane Vlade Kantona.

Prešlo se na izjašnjavanje o amandmanima poslanika Mahira Nurkanovića.

O Amandmanu I. je glasalo 6 poslanika „za“, bez ijednog glasa „protiv“ i 20 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu II. je glasalo 6 poslanika „za“, bez ijednog glasa „protiv“ i 21 poslanik se „uzdržao“ od glasanja, čime amandman nije dobio potrebnu većinu i nije prihvaćen.

O Amandmanu III. je glasalo 7 poslanika „za“, bez ijednog glasa „protiv“ i 21 poslanik se „uzdržao“ od glasanja, čime amandman nije dobio potrebnu većinu i nije prihvaćen.

O Amandmanu IV. je glasalo 7 poslanika „za“, bez ijednog glasa „protiv“ i 21 poslanik se „uzdržao“ od glasanja, čime amandman nije dobio potrebnu većinu i nije prihvaćen.

O Amandmanu V. je glasalo 7 poslanika „za“, bez ijednog glasa „protiv“ i 21 poslanik se „uzdržao“ od glasanja, čime amandman nije dobio potrebnu većinu i nije prihvaćen.

O Amandmanu VI. je glasalo 6 poslanika „za“, bez ijednog glasa „protiv“ i 17 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu VII. je glasalo 7 poslanika „za“, bez ijednog glasa „protiv“ i 17 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu VIII. je glasalo 7 poslanika „za“, bez ijednog glasa „protiv“ i 18 poslanik se „uzdržao“ od glasanja, čime amandman nije dobio potrebnu većinu i nije prihvaćen.

O Amandmanu IX. je glasalo 7 poslanika „za“, bez ijednog glasa „protiv“ i 18 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu X. je glasalo 8 poslanika „za“, bez ijednog glasa „protiv“ i 18 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

Predsjednik Skupštine je dao na izjašnjavanje prijedlog Zakona.

Skupština Kantona je, sa 19 glasova "za", 5 glasova "protiv" i 3 "uzdržana" glasa

prihvatila prijedlog i donijela Zakon o izmjenama i dopunama Zakona o osnovnom odgoju i obrazovanju uz prihvaćene amandmane.

4. U okviru četvrte tačke dnevnog reda razmatran je prijedlog Zakona o srednjem obrazovanju i odgoju.

Predsjednik Skupštine je konstatovao da su dostavljeni izvještaji Zakonodavno-pravne komisije (čije se primjedbe smatraju amandmanima) i Komisije za obrazovanje, kulturu, sport i mlade.

Amandmane na prijedlog zakona su podnijeli poslanici Mahir Nurkanović i Mirsad Selimović, kao i Vlada Tuzlanskog kantona, dok su prijedloge (u formi amandmana) dostavili sindikati srednjeg, visokog i osnovnog obrazovanja Tuzlanskog kantona.

Takođe je dostavljeno i izjašnjenje o podnesenim amandmanima.

Ministrica obrazovanja, nauke, kulture i sporta *Nada Avdibašić – Vukadinović* je u ime Vlade Kantona podnijela devet amandmana koje je dostavila poslanicima u pisanoj formi, i to:

AMANDMAN I.

U članu 104. stav (2). tačka a) i stav (6), riječi „ koji je ostao djelimično ili u cjelosti bez poslova i radnih zadataka“ zamijeniti riječima „ za čijim radom je djelimično ili u cjelosti prestala potreba“.

U istom članu iza stava (8). dodaje se novi stav (9), koji glasi:

„(9) Škola kao javna ustanova je dužna vršiti prijem zaposlenika u skladu sa propisom iz stava (8) ovog člana.

AMANDMAN II.

U članu 127. stav (1) dodaje se nova tačka a) koja glasi:

„a) utvrđuje potrebu za prijemom zaposlenika u radni odnos“.

Dosadašnje tačke od a) do u) postaju tačke b) do v).

AMANDMAN III.

U članu 130. stav (1). mijenja i glasi:

„(1) Škola, koja ima status javne ustanove, dužna je na osnovu odluke školskog odbora raspisati konkurs za izbor i imenovanje direktora škole, najkasnije tri mjeseca prije isteka mandata direktora.“

U istom članu u stavu (2) riječi „Školski odbor“ zamijeniti riječju „Škola“

AMANDMAN IV.

U članu 131. stav (1) iza riječi „Zaposleniku škole“ dodati riječi „koji je zaposlen na neodređeno vrijeme i “.

AMANDMAN V.

U članu 133. stav (1), dodaje se nova tačka m), koja glasi:

“m) obustavlja od izvršenja akt školskog odbora koji je u suprotnosti sa ustavom ili zakonom kao i pojedinačni akt kojim se nanosi šteta školi ili društvenoj zajednici.“

AMANDMAN VI.

U članu 136. stav (1) iza riječi „Pedagoški zavod“ dodati riječi „ nadležna inspekcija“.

AMANDMAN VII.

U članu 155. stav (1) mijenja se i glasi:

„(1) Dom učenika, kao javna ustanova, dužan je na osnovu odluke upravnog odbora, raspisati konkurs za izbor i imenovanje direktora, najkasnije tri mjeseca prije isteka mandata direktora“.

AMANDMAN VIII.

U članu 163. stav (1) iza tačke u) dodaju se nove tačke v) i z), koje glase:

„v) postupi suprotno članu 130. stav (1), (2) ili (4).

z) ne obustavi od izvršenja akt školskog odbora koji je u suprotnosti sa Ustavom ili zakonom kao i pojedinačni akt kojim se nanosi šteta školi ili društvenoj zajednici. (član 133. Stav (1). tačka m)“

AMANDMAN IX.

U članu 164. iza stav (2) dodaje se novi stav (3), koji glasi:

„(3) Novčanom kaznom od 200 do 800 KM kaznit će se predsjednik i članovi školskog odbora za prekršaj iz člana 49 stav (3)., 127 stav (1) i 130 stav (1).“

Pored navedenih amandmana u ime predlagača iznijela još dva amandmana, i to:

Amandman kojim se predlaže da se u članu 24. stav (3) na kraju teksta iza riječi „Kantona“ briše tačka i dodaju riječi „, ispisan na na oba pisma i jezicima konstitutivnih naroda“.

Amandman kojim se predlaže da se u članu 159. stav (2) briše.

Otvorena je rasprava u kojoj su učestvovali poslanici: *Mahir Nurkanović, Suada Mujčinović i Muhamed Šadić.*

Skupštini se obratio i predsjednik Kantonalnog sindikata srednjeg i visokog obrazovanja *Admir Terzić.*

S obzirom da je poslanik Mahir Nurkanović u toku rasprave predložio da se o njegovim amandmanima Skupština izjasni u paketu, predsjednik Skupštine je navedeni prijedlog dao na glasanje, te je isti jednoglasno i prihvaćen.

Predsjednik Skupštine je dao na glasanje amandmane poslanika Mahira Nurkanovića od I – XI.

Za amandmane je glasalo 5 poslanika „za“, ni jedan poslanik nije bio „protiv“ i 22 poslanika su se „uzdržala“ od glasanja, čime amandmani nisu dobili potrebnu većinu i nisu prihvaćeni.

Potom je predsjednik dao na izjašnjavanje prijedlog Zakona.

Skupština Kantona je sa 22 glasa "za", 1 glasom "protiv" i 4 "uzdržana" glasa usvojila prijedlog i donijela Zakon o srednjem obrazovanju i odgoju uz amandmane.

5. U okviru pete tačke dnevnog reda razmatran je prijedlog Zakona o izmjenama i dopunama Zakona o policijskim službenicima Tuzlanskog kantona.

Predsjednik Skupštine je konstatovao da je poslanicima dostavljen izvještaj Zakonodavno-pravne komisije čije se primjedbe smatraju amandmanima.

S obzirom da nije bilo rasprave, predsjednik Skupštine je dao na izjašnjavanje prijedlog Zakona.

Skupština Kantona je jednoglasno usvojila prijedlog i donijela Zakon o izmjenama i dopunama Zakona o policijskim službenicima Tuzlanskog kantona uz amandmane Zakonodavno-pravne komisije.

6. U okviru šeste tačke dnevnog reda razmatran je prijedloga Odluke o privremenom finansiranju Tuzlanskog kantona za period 1.1.2012. do 31.3. 2012. godine.

Predsjednik Skupštine je konstatovao da su poslanicima dostavljeni izvještaji Zakonodavno-pravne komisije i Komisije za privredu, ekonomsku i finansijsku politiku.

Otvorena je rasprava u kojoj su učestvovali poslanici: *Salih Šabović, Samir Kamenjaković i Besim Imamović.*

Predsjednik Skupštine je zaključio raspravu i dao na izjašnjavanje prijedlog Odluke.

Skupština Kantona je sa 24 glasa "za", 1 glasom "protiv" i bez ijednog "uzdržanog" glasa usvojila prijedlog i donijela Odluku o privremenom finansiranju Tuzlanskog kantona za period 1.1.2012. do 31.3. 2012. godine.

7. U okviru sedme tačke dnevnog reda razmatran je prijedlog Odluke o davanju saglasnosti na Odluku o privremenom finansiranju iz obaveznog zdravstvenog osiguranja u Tuzlanskom kantonu za period 1.1.2012. do 31.3. 2012. godine.

Predsjednik Skupštine je konstatovao da su dostavljeni izvještaji Zakonodavno-pravne komisije, Komisije za privredu, ekonomsku i finansijsku politiku i Komisije za rad, zdravstvo i socijalnu politiku.

Otvorena je rasprava u kojoj je učešće uzeo poslanik *Besim Imamović*.

Predsjednik Skupštine je zaključio raspravu i dao na izjašnjavaње prijedlog Odluke.

Skupština Kantona je sa 28 glasova "za", 1 glasom "protiv" i bez ijednog "uzdržanog" glasa usvojila prijedlog i donijela Odluku o davanju saglasnosti na Odluku o privremenom finansiranju iz obaveznog zdravstvenog osiguranja u Tuzlanskom kantonu za period 1.1.2012. do 31.3. 2012. godine.

8. U okviru osme tačke dnevnog reda razmatran je prijedlog Odluke o davanju saglasnosti na Odluku o privremenom finansiranju JU Službe za zapošljavanje Tuzlanskog kantona za period 1.1.2012. do 31.3. 2012. godine.

Predsjednik Skupštine je konstatovao da su dostavljeni izvještaji Zakonodavno-pravne komisije, Komisije za privredu, ekonomsku i finansijsku politiku i Komisije za rad, zdravstvo i socijalnu politiku.

S obzirom da nije bilo rasprave, predsjednik Skupštine je dao na izjašnjavaње prijedlog Odluke.

Skupština Kantona je sa 28 glasova "za", 1 glasom "protiv" i bez ijednog "uzdržanog" glasa usvojila prijedlog i donijela Odluku o davanju saglasnosti na Odluku o privremenom finansiranju JU Službe za zapošljavanje Tuzlanskog kantona za period 1.1.2012. do 31.3. 2012. godine.

9. U okviru devete tačke dnevnog reda razmatran je prijedlog Programa rada Skupštine Tuzlanskog kantona za 2012. godinu, te je Skupština Kantona upoznata sa Programom rada Vlade Tuzlanskog kantona za 2012. godinu.

Kolegij Skupštine je, shodno Poslovniku utvrdio prijedlog Programa rada Skupštine TK za 2012. godinu, a poslanicima je radi upoznavanja dostavljena i radna verzija Programa rada Vlade TK za 2012. godinu.

Prijedloge za dopunu Programa rada su dostavili Klub poslanika Stranke za BiH i Klub poslanika SBB.

Otvorena je rasprava u kojoj su učestvovali poslanici: *Ivo Divković* koji je predložio da se na strani 5. Zakon o izmjenama i dopunama Zakona o inspekcijama, nacrt razmatra u januaru umjesto u februaru, a prijedlog u martu umjesto u maju. Poslanici Salih Šabović i Besim Imamović su obrazložili podnesene amandmane. Učešće u raspravi je uzeo i poslanik Muhamed Šadić.

Prijedlog poslanika Ive Divkovića je prihvaćen jednoglasno.

Potom se prešlo na izjašnjenje o amandmanima Kluba poslanika SBB.

O Amandmanu I. je glasalo 7 poslanika „za“, bez ijednog glasa „protiv“ i 20 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu II. je glasalo 8 poslanika „za“, bez ijednog glasa „protiv“ i 19 poslanik se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu III. je glasalo 8 poslanika „za“, bez ijednog glasa „protiv“ i 18 poslanik se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu IV. je glasalo 8 poslanika „za“, bez ijednog glasa „protiv“ i 19 poslanik se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu V. je glasalo 8 poslanika „za“, bez ijednog glasa „protiv“ i 19 poslanik se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu VI. je glasalo 9 poslanika „za“, bez ijednog glasa „protiv“ i 18 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu VII. je glasalo 9 poslanika „za“, bez ijednog glasa „protiv“ i 18 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu VIII. je glasalo 8 poslanika „za“, bez ijednog glasa „protiv“ i 19 poslanika se „uzdržao“ od glasanja, čime amandman nije dobio potrebnu većinu i nije prihvaćen.

O Amandmanu IX. je glasalo 9 poslanika „za“, bez ijednog glasa „protiv“ i 19 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

Potom se prešlo na izjašnjavanje o amandmanima Kluba poslanika SBiH.

O Amandmanu I. je glasalo 8 poslanika „za“, bez ijednog glasa „protiv“ i 18 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu II. je glasalo 8 poslanika „za“, 1 glas je bio „protiv“ i 18 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

O Amandmanu III. je glasalo 8 poslanika „za“, bez ijednog glasa „protiv“ i 19 poslanika se „uzdržalo“ od glasanja, čime amandman nije dobio potrebnu većinu i nije prihvaćen.

Predsjednik Skupštine je dao na izjašnjavanje prijedlog Programa rada Skupštine Tuzlanskog kantona za 2012. godinu, uz usvojenu primjedbu poslanika Ive Divkovića.

Skupština Kantona je sa 22 glasa "za", 3 glasa "protiv" i 2 "uzdržana" glasa usvojila prijedlog i donijela Program rada Skupštine Tuzlanskog kantona za 2012. godinu.

Predsjednik Skupštine je svim poslanicima i građanima Tuzlanskog kantona čestitao Novu 2012. godinu, a građanima katoličke i pravoslavne vjeroispovijesti zaželio sretan Božić.

Sekretar Skupštine

Ahmet Smajović